

Morning Regional Dogri News Bulletin, 11th May 2024

मार्निंग डोगरी न्यूज़ बुलेटिन, समे. 09-20 Hrs

<><><><><><>

Headlines

1. लोकसभा चुनां दे चौथे गेड़ लेई प्रचार अज्ज सभा मुक्की जाग। इस गेड़ तैहत् अतरू 13 मई गी 10 राज्यें ते केन्द्र शासत प्रदेश जम्मू कश्मीर दी श्रीनगर लोकसभा सीट लेई वोअ पोआए जांगन।
2. श्रीनगर च चुनां प्रचार जोरें-शोरें जारी, कोई त्रऊं दहाकें बाद चुनाएं गी लेइयै घाटी च जबरदस्त रौनक, गैहमा-गैहमी ते जोश दिक्खने गी लब्भा करदा ऐ।
3. जम्मू दे डिवीजनल कमीशनर होरें रेवेनयू मैहकमे दे अधिकारिएं गी जोर देइयै आखेआ ऐ जे ओ लोकें गी ऑनलाइन सेवा समें सिर उपलब्ध कराना जकीनी बनान।
4. महिला कुश्ती च भारत दी निशा'देहिया पैरिस ओलंपिक्स लेई क्वालीफाई करने आली 5मीं भारतीय महिला पलोआन बनी गई ऐ।

<><><><><><>

Campaigning

लोकसभा चुनां 2024 दे चौथे गेड़ लेई चुनां प्रचार अज्ज खत्म होई जाग जेहदे तैहत् अतरू संगारें 13 मई गी कुल 96 लोकसभा सीटें लेई वोट पोआए जांगन। इस गेड़ तैहत् आंध्रप्रदेश दिएं 25, बिहार दी 5, झारखंड दी 4, मध्यप्रदेश दी 8, महाराष्ट्र दी 11, ओडिशा दी 4, तेलंगाना दी 17, उत्तर प्रदेश दिएं 13, पच्छिम बंगाल दी 8 ते केन्द्र शासत प्रदेश जम्मू कश्मीर दी इक सीट शामिल ऐ।

<><><><><><>

Campaign Srinagar

लोकसभा चुनां 2024 दे चौथे गेड़ दे मतदान तैहत् जम्मू कश्मीर दी श्रीनगर लोकसभा सीट लेई वोट पोआए जाने न, जेहदे लेई चुनां प्रचार जोरें-शोरें जारी ऐ जेहड़ा अज्ज संजा मुक्की जाग। उर्थें कोई त्रऊं दहाकें दे बाद चुनाएं गी लेई इस चाल्ली दी गैहमा-गैहमी ते रौनक दिक्खने गी लब्भा करदी ऐ। रैलिएं, रोड शोएं ते जलसें-जलूसें शामिल लोकें दे जोश दिक्खियै साफ लब्भदा ऐ जे घाटी दे लोकें अंदर भारत दे लोकतंत्र गी लेइयै भरोसा किनना गैहरा ते मजबूत ऐ। इस सीट पर मुख् मकाबला नैशनल कांफ्रेंस, अपनी पार्टी ते पीडीपी बश्कार ऐ। शैहरे-नगरें ते ग्राएं च बी कार ते बाइक रैलिएं गी अज्ज इनें इलाकें च बी दिक्खेआ जा'रदा ऐ जित्थें जाने कोला आम लोक डरदे हे ते आतंकवादिएं दी जिनें इलाके च खौफ बने दा रौहृदपा हा। इस सीट पर 2019 च नैशनल कांफ्रेंस दे अध्यक्ष डॉ. फारुक अब्दुल्ला होरें जित्त हासल कीती ही। तदू उर्थें शड़ा 14.1 फीसद मतदान होआ हा जे फारुक होरें गी शड़े 1 लक्ख 6 ज्हार 750 वोट हासल होए हे। इस सीट पर कुल योग्य मतदाताएं दी गिनतरी 17 लक्ख 40 ज्हार ऐ जिंदे चा 8 लक्ख 70 ज्हार महिलां न ते इंदे च मत गिनतरी उनें लोकें दी बी ऐ जिनें अजें तोड़ी कदें वोट नेई पाए दा ते ओह 13 मई गी बड़ी बेसब्री कन्ने इंतजार करा करदे न।

<><><><><><>

Amit Shah

गेई। किट्ठे गी संबोधत करदे होई डीसी होरें आखेआ जे “क्लीन भद्रवाह ग्रीन भद्रवाह” पैहलकदमी दी शुरुआत स्वच्छता अभियान कन्ने जयवैली ते गुलडंडा च 18 ते 19 मई गी शुरु कीती जा’रदी ऐ जेह्दे आस्तै सारे घडें दा सैह्योग लोड्चदा ऐ। बैठक च फ़ैसला लैता गेआ जे सैलसफा आली थाहरें पर जाने आली गडिडएं गी इको-फ्रेंडली लफाफे दित्ते जांगन जिंदे पर “क्लीन भद्रवाह ग्रीन भद्रवाह” दा लोगो बने दा होग। एह लफाफे भद्रवाह विकास प्राधिकरण तरफा ममूली भाह पर दित्ते जांगन जेहदा मकसद इनें खुबसूरत सैलसफा आली थाहरें पर साफ-सफाई बनाए रखना ऐ।

<><><><><><>

Olympic

महिला कुश्ती च निशा दहिया पैरिस ओलंपिक्स लेई कवालीफाई करने आली 5मीं भारतीय महिला खडारी बनी गेई न। उनें कल इस्तानबुल च विश्व ओलंपिक कवालीफायरस दे सैमीफाइनल च 68 किलोग्राम वर्ग च रोमानिया दी एलैक्जेंडरा एंघेल गी हराई दित्ता। निशा जेह्दी पिछले ब’रे दी एशियाई प्रतियोगिता च रजत पदक विजेता रेही हियां, उनें एंघेल गी 8-4 अंके कन्ने हराया।

<><><><><><>